



Universitätsbibliothek Paderborn

**Solida, Verboqve Dei Et Libro Concordiae Christianæ
congrua Decisio, Qvatvor Illorvm Inter Aliqvos Theologos
Augustanæ Confessionis, Nuperrime Controversorum
Capitum Principaliorum, de verâ ...**

Johann Georg <I., Sachsen, Kurfürst>

Lipsiæ?, [ca. 1624]

Antithesis.

urn:nbn:de:hbz:466:1-32961

A N T I T H E S I S.

1. Erroneum econtra est, quod caro Christi per unionem personalem adeò exaltata sit, ut nulla alia exaltatio, quam hæc sola de Christo in tota Scriptura Sacra tradatur & doceatur. Etsi enim per Unionem personalem caro assumta valde sublimata est : expressé tamen Scriptura Sacra testatur, quod huic i[ps]i Christo I[esu] secundum carnem, longo post Nativitatem intervallo, alia quoque & singularis planè ἀπόφασις obtigerit, per quam ad plenarium usum maiestatis divinæ pervenit, uti Formula quoque Concordiæ Christianæ testatur.
2. Erroneum est, docere, quod Christus à primo conceptionis momento in cœlos ascenderit: factum enim hoc demum est quadragesima die post resurrectionem eius. Act. 1. vers. 9.
3. Erroneum est, quod Christus à primo conceptionis momento ad dexteram Dei federit : neque enim Scriptura Sacra sic loqui consuevit : sicut & Libri nostri Symbolici eiusmodi phrases non usurpant: Sed sessio C H R I S T I, vel exaltatio eiusdem ad dexteram D E I, visibilem Ascensionem demum sequitur, uti totius Scripturæ textus planè & perspicue testatur.
4. Erroneum est, dicere, Christum in statu Exinanitionis, etiam juxta carnem, tam potenter omnibus creaturis dominatum , quam nunc ad dexteram D E I : & in eo solùm differentiam esse , quod Christus in statu Exinanitionis occulte & latenter

tenter regnabit, nunc autem manifestè dominetur: Sacra enim Scriptura nec de occulta, nec de manifesta incessante gubernatione CHRISTI secundum humanitatem in statu Exinanitionis quicquam habet: uti infra in die exodo capitinis quarti fuisse ostendetur.

5. Erroneum est, si negatur, CHRISTUM in statu Exinanitionis, juxta carnem, se, quoad plenarium usum infinitæ suæ majestatis, vel personaliter inhabitantis totius plenitudinis Deitatis exinanivisse. Hoc enim Apostolus perspicue totidemque verbis asserit, Philip. 2. v. 7. Exinanivit seipsum, forma servi assumta.

6. Erroneum est, cum humanitas CHRISTI, etiam secundum idiomata naturæ divinæ DEO æqualis, & unum cum DEO statuitur: Etsi enim eam ~~etiam per se~~ DEO esse, adeoque ~~etiam per se~~ ADY ad consortium Sacrosanctæ Trinitatis pertinere conceditur: non tamen inde sequitur, quod DEO sit æqualis, vel unum cum Deo facta sit: quemadmodum & Scriptura Sacra ab ejusmodi phrasibus abstinet: Liberque Concordiæ in articulo de Persona Christi antithesi 9. expresse eas rejicit. Secundum divinam naturam, & quidem solam, Christus Patri suo cœlesti æqualis, & unum cum Patre est: Secundum humanam autem naturam, minor Patre, & Pater major est: uti Servator ipse met innuit, Johann. 14. v. 28. Et Symbolum Athanasianum expresse consentit.

Atque

Atque h̄c etiam de tertio capite primariō dīcta sufficient. Plurimum sanē refert, genuinum ejusdem intellectum habore. Tam clarē autem, perspicuē, & ad oculum quasi, tūm in Scriptura Sacra, tūm in libris Symbolicis nostris caput hoc enucleatur & tractatur, ut supervacaneum sit planē, scrupulosius hic rimari: Ut ilissimum potius, & cutissimum, in ordine, quem Scriptura Sacra innuit, unicē acquiescere, & firmissima fide tenere, quod C H R I S T U S jam secundum utramque naturam in cœlo & in terra, omnipræsenter dominetur & imperet. Quemadmodum hoc ipsum in statu Exinanitionis etiam facere valuisse, si voluisse, & non potius voluntariē regimine planario se abdicasset.



CAPUT